



স্মারক নং- ০৫.৪৩.৮৮০০.০১৬.১৪.০০৩.২৫- ৬৭২

তারিখ: ১৬ ভাদ্র ১৪৩৩ বঙ্গাব্দ
৩১ আগষ্ট ২০২৬ খ্রি.

সার ডিলার নিয়োগ বিজ্ঞপ্তি

রাষ্ট্রীয় জরুরী প্রয়োজনে “সার ডিলার নিয়োগ ও সার বিতরণ সংক্রান্ত সমন্বিত নীতিমালা-২০২৬” এর আলোকে সিরাজগঞ্জ জেলার সকল উপজেলার ইউনিয়ন ও পৌরসভা ভিত্তিক ০১ (এক) জন করে সার ডিলার নিয়োগের জন্য নিম্নলিখিত শর্তসাপেক্ষে আবেদনপত্র আহবান করা যাচ্ছে :

ক্র. নং	উপজেলার নাম	ইউনিয়নের সংখ্যা	পৌরসভার সংখ্যা	ইউনিয়ন ও পৌরসভার নাম
১	সিরাজগঞ্জ সদর	১০	১	রতনকান্দি, বাগবাটি, বহলী, শিয়ালকোল, খোকশাবাড়ী, ছোনগাছা মেছড়া, কাওয়াকোলা, কালিয়াহরিপুর, সয়দাবাদ, সিরাজগঞ্জ পৌরসভা
২	কাজিপুর	১২	১	সোনামুখী, চালিতাডাঙ্গা, গান্ধাইল, শুবগাছা, কাজিপুর, মাইজবাড়ী, খাসরাজবাড়ী, নাটুয়ারপাড়া, নিশ্চিন্তপুর, তেকানী, চরগিরিশ, মনসুরনগর, কাজিপুর পৌরসভা
৩	রায়গঞ্জ	৯	১	ধামাইনগর, সোনাখাড়া, ধুবিল, ঘুড়কা, চান্দাইকোনা, ধানগড়া, নলকা, পাঙ্গাসী, ব্রহ্মগাছা, রায়গঞ্জ পৌরসভা
৪	তাড়াশ	৮	১	তালম, বারুহাস, সগুনা, মাগুড়াবিনোদ, নওগাঁ, তাড়াশ সদর, মাধাইনগর, দেশীগ্রাম, তাড়াশ পৌরসভা
৫	উল্লাপাড়া	১৪	১	রামকৃষ্ণপুর, বাজালা, উধুনিয়া, বড়পাঙ্গাসী, মোহনপুর, দুর্গানগর, পূর্ণিমাগাতি, সলঙ্গা, হাটিকুমরুল, বড়হর, উল্লাপাড়া সদর, পঞ্চকোশী, সলপ, কয়ড়া, উল্লাপাড়া পৌরসভা
৬	শাহজাদপুর	১৩	১	কায়েমপুর, গাড়াদহ, পোতাজিয়া, বুপবাটি, গালা, পোরজনা, হাবিবুল্লাহনগর, বেলতৈল, খুকনি, কেজুরী, সোনাতনী, নরিনা, জালালপুর, শাহজাদপুর পৌরসভা
৭	বেলকুচি	৬	১	রাজাপুর, ভাঙ্গাবাড়ি, দৌলতপুর, ধুকুরিয়াবেড়া, বেলকুচি, বড়ধুল, বেলকুচি পৌরসভা
৮	কামারখন্দ	৪	০	ভদ্রঘাট, ঝাট্রল, জামতৈল, রায়দৌলতপুর
৯	চৌহালী	৭	০	খাষকাউলিয়া, খাষপুখুরিয়া, ঘোড়জান, উমারপুর, বাঘুটিয়া, স্থল, সদিয়া চাঁদপুর
	মোট=	৮৩	৭	

শর্তাবলী:

- (ক) “সার ডিলার নিয়োগ ও সার বিতরণ সংক্রান্ত সমন্বিত নীতিমালা-২০২৬” এর পরিশিষ্ট-১ এ প্রদত্ত নমুনা ছক অনুযায়ী আবেদন করতে হবে (আবেদন ফরম- www.moa.gov.bd থেকে ডাউনলোড করা যাবে)।
- (খ) আবেদনকারীদের “সার ডিলার নিয়োগ ও সার বিতরণ সংক্রান্ত সমন্বিত নীতিমালা-২০২৬” এ বর্ণিত শর্ত পূরণসাপেক্ষে আবেদন করতে হবে।
- *** যেসকল আবেদনকারী সার ডিলার নিয়োগের জন্য ২৫/০২/২০২৬ খ্রি. এবং ১৩/০৮/২০২৬ খ্রি. তারিখের বিজ্ঞপ্তি অনুযায়ী আবেদন দাখিল করেছেন / করবেন তাদের অনিস্পন্ন আবেদনসমূহ উক্ত বিজ্ঞপ্তির আওতাভুক্ত থাকবে এবং তাদের পুনরায় আবেদন করার প্রয়োজন নেই।

(গ) আবেদনকারীর যোগ্যতা :

- আবেদনকারীকে সংশ্লিষ্ট ইউনিয়নের / উপজেলার/ পৌরসভার বাসিন্দা হতে হবে ও এর প্রমাণক হিসেবে জাতীয় পরিচয়পত্র এবং সংশ্লিষ্ট ইউনিয়ন পরিষদ চেয়ারম্যান/ প্রশাসক বা দায়িত্বপ্রাপ্ত কর্মকর্তা কর্তৃক প্রদত্ত নাগরিকত্ব সনদ দাখিল করতে হবে;
- সার ডিলারের নিজ মালিকানা অথবা ভাড়ায় সংশ্লিষ্ট ইউনিয়ন/ সংশ্লিষ্ট কার্য এলাকায় (ডিলার ইউনিটে) ন্যূনতম ২৫ মে.টন ধারণক্ষমতা সম্পন্ন গুদাম থাকতে হবে। তবে শর্ত থাকে যে, খাবারের দোকান/ রেস্টুরেন্ট, গো-খাদ্য, মাছের খাবার, সবজি দোকানের সঙ্গে সার গুদাম করা যাবে না এবং সারের গুদামে বীজ সংরক্ষণ করা যাবে না ;
- বস্তাবন্দি সার যথাযথভাবে সংরক্ষণের জন্য গুদামের ভিটি স্বাভাবিক বন্যাসীমার চেয়ে উচু ও পাকা থাকতে হবে ;
- আবেদনকারীকে আর্থিকভাবে সচ্ছল হতে হবে এবং আর্থিক সচ্ছলতার প্রমাণক হিসেবে কমপক্ষে ০৫ (পাঁচ) লক্ষ টাকার ব্যাংক স্বচ্ছলতার সাম্প্রতিক সনদ থাকতে হবে;

৫. ইউনিয়ন পরিষদ/ পৌরসভা কর্তৃক প্রদত্ত ট্রেড লাইসেন্স থাকতে হবে ;
৬. আবেদনকারীর বয়স ন্যূনতম ১৮ (আঠারো) বছর হতে হবে ;
৭. আবেদনকারীকে শারীরিক ও মানসিকভাবে সুস্থ ও চলাচলে সক্ষম হতে হবে ; এবং
৮. আবেদনকারীর টিআইএন থাকতে হবে।

(ঘ) আবেদনকারীর অযোগ্যতা :

১. ইতোপূর্বে শাস্তিমূলক ব্যবস্থা হিসেবে কারও সার ডিলারশিপ বাতিল হয়ে থাকলে তিনি আবেদনের অযোগ্য হবেন। পাশাপাশি ইতোপূর্বে ব্যবসায় অনিয়ম/ কোনো ফৌজদারি বা অন্য কোন আইনে দণ্ডপ্রাপ্ত হয়ে থাকলে তিনি ডিলারশিপ আবেদনের জন্য অযোগ্য হবেন। তবে ফৌজদারি অপরাধে দণ্ডপ্রাপ্ত ব্যক্তি সাজাভোগের ০২ (দুই) বছর পর আবেদন করতে পারবেন ;
২. কোনো বিধিবদ্ধ সরকারি/ আধাসরকারি/ স্বায়ত্বশাসিত প্রতিষ্ঠান/ পাবলিক বিশ্ববিদ্যালয়/ এমপিওভুক্ত প্রতিষ্ঠানের কর্মচারী বা জনপ্রতিনিধি ডিলার হতে / থাকতে পারবেন না ; এবং
৩. সার ডিলার নিয়োগের ক্ষেত্রে একই পরিবারের একজনের ডিলারশিপ বা যথাযথ কর্তৃপক্ষ প্রদত্ত খুচরা সার বিক্রেতার আইডি কার্ড থাকলে পরিবারের অপর কেউ ডিলারশিপের/ খুচরা বিক্রেতার আইডি কার্ডের জন্য আবেদন করতে বা ডিলার বা খুচরা বিক্রেতা হতে পারবেন না। এক্ষেত্রে পরিবারের সদস্য বলতে পিতা, মাতা, স্বামী/ স্ত্রী, পুত্র, পুত্রের স্ত্রী, পুত্রের পুত্র ও তাদের স্ত্রী, অবিবাহিত কন্যা ও নির্ভরশীল ভাই ও বোন যারা এক খানায় খাদ্য গ্রহণ করে তাদের বুঝানো হয়েছে।

(ঙ) সারের ডিলারশিপের জন্য আবেদনপত্র জমাদানের শর্ত ও প্রয়োজনীয় কাগজপত্র :

১। আবেদনকারীকে নির্ধারিত ছকে (পরিশিষ্ট-০১) আবেদন প্রস্তুত করে তার প্রতিষ্ঠানের নিজস্ব লেটার প্যাডে পরিচায়ক পত্র (Cover Letter) সহ আবেদন দাখিল করতে হবে ;

২। আবেদনপত্রের সঙ্গে নিম্নবর্ণিত দলিলাদি / কাগজপত্র জমা দিতে হবে :

- (ক) জাতীয় পরিচয়পত্র ও স্থানীয় কর্তৃপক্ষ কর্তৃক ইস্যুকৃত নাগরিকত্ব সনদ ;
- (খ) সাম্প্রতিক তোলা ৩ (তিন) কপি পার্সপোর্ট সাইজ ছবি ;
- (গ) হালনাগাদ ট্রেড লাইসেন্স ;
- (ঘ) দোকান ও গুদামের পরিমাপের বর্ণনাসহ মালিকানা/ ভাড়ার চুক্তিনামার কপি ;
- (ঙ) আর্থিক সচ্ছলতার প্রমাণক হিসেবে কমপক্ষে ৫ (পাঁচ) লক্ষ টাকার ব্যাংক সচ্ছলতার সাম্প্রতিক সনদ ;
- (চ) আবেদনকারী কর্তৃক স্বাক্ষরিত এবং স্থানীয় জনপ্রতিনিধি কর্তৃক প্রত্যয়িত পরিবারের সদস্যদের পেশাসহ (পিতা, মাতা, পুত্র, অবিবাহিত কন্যা এবং নির্ভরশীল ভাই ও বোন) তালিকা ; এবং
- (ছ) হালনাগাদ আয়কর রিটার্ন দাখিলের সনদ।

৩। আবেদনপত্রের সঙ্গে আবেদন ফি বাবদ অফেরতযোগ্য ২০০০/- (দুই হাজার) টাকার পোস্টাল অর্ডার/ পে অর্ডার/ ডিম্যান্ড ড্রাফট জেলা সার ও বীজ মনিটরিং কমিটির সভাপতি বরাবর জমা দিতে হবে ;

৪। একই সঙ্গে সংশ্লিষ্ট জেলা প্রশাসক ও সভাপতি, জেলা সার ও বীজ মনিটরিং কমিটি বরাবর আর্নেস্টম্যানি বাবদ ১০,০০০/- (দশ হাজার) টাকার পে-অর্ডার/ ডিম্যান্ড ড্রাফট (ফেরতযোগ্য) সংযোজন করতে হবে। আবেদনপত্র যাচাইকালে কোনোরূপ তথ্যগত বা দালিলিক অসত্যতা অথবা সংযুক্ত কাগজপত্র নকল বা জাল প্রমাণিত হলে উক্ত আবেদনপত্র বাতিল ঘোষণা করা হবে এবং আর্নেস্টম্যানি বাবদ জমাকৃত পে-অর্ডার/ ডিম্যান্ড ড্রাফট বাজেয়াপ্ত হবে। ফলাফল প্রকাশের পর জেলা প্রশাসক অনিবার্চিত আবেদনকারীদের আর্নেস্টম্যানি বাবদ জমাকৃত পে-অর্ডার / ডিম্যান্ড ড্রাফট ১০ (দশ) কর্মদিবসের মধ্যে ফেরত প্রদানের ব্যবস্থা গ্রহণ করবেন। নির্বাচিত আবেদনকারীর আর্নেস্টম্যানি ডিলার নিয়োগের চুক্তি স্বাক্ষরের পর ফেরত প্রদান করা হবে।

(চ) আবেদনপত্র দাখিলের শেষ তারিখ ও স্থান ;

- ১। আবেদনপত্র দাখিলের শেষ তারিখ : ১০/০৯/২০২৬ খ্রি. বিকাল ৫.০০ ঘটিকা পর্যন্ত ;
- ২। আবেদনপত্র দাখিলের স্থান: উপপরিচালকের কার্যালয়, কৃষি সম্প্রসারণ অধিদপ্তর, সিরাজগঞ্জ।
কোন কারণ দর্শানো ব্যতিরেকে যেকোন আবেদনপত্র গ্রহণ বা বাতিল করাসহ এই বিজ্ঞপ্তি বাতিলের সকল ক্ষমতা কর্তৃপক্ষ সংরক্ষণ করেন।


(মো: আমিনুল ইসলাম)
জেলা প্রশাসক
ও
সভাপতি
জেলা সার ও বীজ মনিটরিং কমিটি
সিরাজগঞ্জ।